



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Cap. IX. Concilium Tolosanum.

[urn:nbn:de:hbz:466:1-74413](#)

terius Diœceseos conjugentur nisi habeant litteras testimoniales publicationum factarum vel omisfarum juxta Decretum Concilii Tridentini. Uno verbo pauca sunt in Decretis Tridentini circa Matrimonium, quorum executionem non jubeat nominatim Synodus Aquensis; sed illud non nisi in relatis locis laudatur.

Eadem Synodus initio *Tit. de Ordine*, indicando fontes, è quibus Statuta sua hauist, Tridentinum commemorat; tūm, laudatis hujus Concilii Decretis, quæ jubent, ut Ordines in Ecclesiâ Principali coram omni Clero conferantur, utque Ordinati alicui Ecclesiæ ad dicantur, & pluribus aliis relatis, nec laudatis; denique, præcipit, ut studiosse observentur alia res à Tridentino constituta circa administrationem ejusdem Sacramenti. Quo laudationis genere insinuat quæ prius de Ordine dicta sunt, ex Concilio Tridentino desumpta esse.

Eadem Synodus cupiens, ut Episcopi servent Decreta, in quibus aliquid faciendum eis mandatur quatenus Delegatis Sedis Apostolicæ, univerſa hæc Decreta colligit sub Titulo: *De his in quibus Episc. ex Sacro Conc. Trident. etiam tamquam ab Apost. Sede Deleg. procedere debet & potest.* Hac collectio refertur in nova Editione *Actuum Cleri Gall.* Tom. II. p. 298. Refertur cum omisita ab hoc Concilio citatione locorum, è quibus hi casus desumpti sunt. Quæ autem loca ibidem recensentur juxta ordinem Sessionum & Capitulorum, quem ordinem Concilium *Aquense* neglexit.

Tit. de Visitatione, Synodus præcipit, ut Episcopi Diœceses suas visitent, juxta Decretum Tridentinum circa Visitations Episcoporum; tūm relatis varijs Concilii Statutis circa hanc rem, injungit Episcopis, ut explorent singula, quæ justit Tridentinum, monet que eos, ut fedulò observent omnia præscripta Concilii circa jura temporalia, quæ ratione Visitationis exiguntur.

Tria sunt Decreta Tridentina quorum executio discernitur *Tit. de Canonis;* Primum respicit unionem Beneficiorum, quæ nullum Officium habent. Alterum prohibet ne distributiones aliis dentur, quam iis, qui Officio Divino assistunt, excepto casu valetudinis, aut evidentiæ Ecclesiæ utilitatis: Tertium jubet ut Pœnitentiarius in unaquaque Ecclesia Cathedrali instituatur. *Tit. de Capitul.* Synodus præcipit executionem Decretorum Trident. circa alienationes, & circa institutionem Theologorum in Ecclesiis Collegialibus.

Cap. I. de Beneficiis cavit, ut Beneficiarii, qui Officio interesse negligunt, & in culpâ perseverant, juxta Decreta Tridentina puniantur; id est, proportione habita ad eorum pertinaciam. *Titulus de Residentia* confectus est ad procurandam executionem Decretorum Trident. circa Residentiam, ut patet ex §. 1. qui jubet, ut omnia Tridentini Statuta circa Residentiam Episcoporum, Parochorum & aliorum Beneficiatorum sumim, observentur.

Titulo de Ecclesiis jubet observari Statuta Tridentini, circa reparacionem Ecclesiarum & Capellarum ruinofarum, & translocationem Servitii in alium locum. Agen do de Reliquis præcipit executionem Decretorum Concilii Tridentini circa Reliquias, Imagines & Miracula.

Circa Excommunicationem, è verbo ad verbum refert *Cap. 3. Sess. XXV.* nec illud laudat.

Titulus de collatione Beneficiorum incipit, jubendo, ut singula Tridentini Constitutiones circa provisionem Beneficiorum, maximè Curatorum, observentur.

Tit. de Seminario, præcipit executionem Decreti Tridentini, & *Titulo de Syn. Diœcesanâ* similiter statuit circa Decretum ferens, quod annuatim Synodus habenda sit, & circa Decretum jubens, ut in singulis Synodis eligantur personæ, quibus Pontifex deleget causas ad se devolutas, ut observentur.

Initio *Tit. de Monast.* præcipit Abbatibus, tām Comendatariis, quam Regularibus, ut se promoveri intra annum current, posito quod ætatem habent; tum vetat cum Tridentino, ne Facultates de non promovendo ultra annum valeant.

§. 3. De Monialib. monentur Episcopi, ut clausuræ

Monialium ita invigilant, ut nullatenus culpari queant, si, quod absit, castitas Monialium violetur; alias timere debent comminationes Sacri Concilii Tridentini. §. 8. *Libertati*, cum eodem Concilio decernit, ut nulla puella admittatur, nisi prius ab Episcopo exploratus sit ejus animus.

CAPUT IX.

CONCILII TOLOSANUM.

Concilium hoc an. 1590. Sub Cardinali *de Joyenç* habitum, non minus è Concilio Tridentino summis, quam Concilia præcedentia, quod quidem ostensu facile foret, sed cum Synodos præcedentes descriperit, quemadmodum Concilium *Aquense* fecit respectivè, satis erit indicare loca ubi Tridentinum expresse laudatur.

Num. 20. Cap. 1. Partis. 1. jubet ut Episcopi, mensa accumbendo, legere sibi faciant. *Cap. 1. Sess. XXV.* quo docentur qualis esse debeat eorum vietus.

Num. 10. Cap. 1. cum eodem Concilio jubet Pœnitentiarium in singulis Ecclesiis Cathedralibus institui.

Num. 8. Cap. 5. decernit, ut Parochus jurejurando se astringet ad Residentiam à Tridentino præscriptam. *Num. 11. ibid.* præcipit Episcopo, ut cogat Parochum ad assumendos tot Vicarios, quot exigunt Pœneciae necessitates, juxta Statutum Tridentini.

Num. 6. Cap. 5. Catechismum Concilii Tridentini numerat in Libros, quos Parochus plebi legere & exponere debet.

Num. 1. Cap. 7. pœnas à Tridentino latae comminatur Episcopis si negligant invigilare Monialium dominibus, ne ab Officio recedant.

Num. 1. Cap. 1. part. 2. Synodus præcipit Episcopis, & Parochis, ut nullum Sacramentum administrent, quin ejus virtutem & effectus explanaverint, juxta Doctrinam Catechismi Tridentini.

Num. 4. ibid. cum Tridentino præcipit, ut novæ Parœciae instituantur in Suburbis Locorum clausorum, ut Sacraenta noctu administrari queant.

Num. 9. Cap. 2. Synodus cavit, ut Patrinus aut Matrina tantum admittatur, vel ad summum uterque, & laudat Tridentinum.

Num. 3. Cap. 4. prohibet, ne quis Presbyter Sæcularis, aut Regularis, Confessiones audiat, nisi habuerit approbationem à Concilio Tridentino requisitam.

Num. 7. Cap. 9. præcipit Episcopis, ut observent Decretum Tridentinum vetans, ne Ordines alicui conferantur, nisi addicatur Ecclesiæ, in quâ munera sibi injuncta obeat; & *Num. 11.* sanctificat, ut in Litteris dictis, *Exeat*, fiat mentio Ecclesiæ, cui persona adiuncta fuit, juxta Decretum Concilii Tridentini.

Initio *Cap. 5. Part. 3.* Synodus executionem Decreti Tridentini circa Seminaria jubet, ut, inquit, huic Decreto obtemperet, ut provideat reformatio ni Disciplinæ Ecclesiastice.

Initio *Cap. 6.* Synodus injungit Episcopis, ut visitent Hospitalia, quæ Regis immediata protectione non subjacent, idque faciant tamquam Delegati Sedis Apostolicæ juxta facultatem ipsi à Concilio Tridentino concessam. *Num. 3. ejusd. Cap. 1.* cavit, ut juxta Decretum Tridentini, Episcopi exigant rationes administrationis temporalis Hospitalium. Quod si fundatio ferat, rationes alteri cuivis exhibendas esse, ut Episcopi vocentur ad eas audiendas.

Num. 10. Cap. 7. præcipit, ut Episcopus tanquam Sedis Apostolicæ Delegatus, visitet Confraternites Pœnitentium, juxta Decreta Tridentina. Et *Num. 6.* jubet, ut juxta eadem Decreta, Oeconomi Confraternitatum rationem administrationis suæ reddant Episcopo.

Num. 2. Cap. 1. part. 4. Synodus cavit, ut usus postulatis excommunicandi dirigatur juxta regulas à Tridentino præscriptas. *Num. 7.* prohibet, ne Censura adhibeantur, cum media alia supponant. *Num. 9.* præcipit Magistris, ut non impediant, quominus Ecclesiasticus Judex Censuris utatur, utque cum non cogant

ad absolvendum ab iis, quas tulit, idque præcipit, quia tale est Decretum Tridentini, & quia non licet falcam mittere in mesem alienam. *Num. 13.* præcipit, ut Episcopi, in eos, qui anno & die sub Censuris jacent, velut in personas suspectas hæreseos, procedant, tamquam Delegati Sedis Apostolicae, juxta Decretum Tridentinum.

Idem Concilium, agendo de *Jurisdictione cap. 2.* multam facit mentionem Tridentini, & expresse præcipit executionem Decretorum ipsius, ut videre est, *Num. 1. 8. 10. 18. 22.* *Num. 1.* pronuntiat & publicat omnes penas à Concilio Tridentino latae in eos, qui Jurisdictionem Ecclesiastican usurpant. *Num. 8.* irritos facit contractus & actus à Concilio Tridentino damnatos. *Num. 10.* vult, ut pro infectis habeantur omnes actus judicarii coram Judice Laico facti, in rebus, que juxta Concilium Tridentinum ad Jurisdictionem Ecclesiastican pertinent. *Num. 18.* constituit, ut sententia correctionis executioni mandentur, non obstante appellatione, ut interlocutoria Judicia appellationi non sint obnoxia, nisi aliquod gravamen contingat in definitivo non reparabile, vel à definitivo appellari non possit; qualis est sententia *3.* conformis circa eamdem causam. Denique *num. 22.* vult, ut in singulis Synodis Diocesanis quatuor Canonici Ecclesia Cathedralis, vel Viri in dignitate constituti elegantur, quorum nomina Romam mittantur, ut Pontifex ipsis delegare possit causas ad se devolutas.

Cap. 3. Synodus præcipit observationem Decretorum Concilii Tridentini circa alienationes bonorum Ecclesia. *Num. 16.* hortatur, & rogar Episcopos Provincias, ut saltem unoquoque anno semel publicari current. *Cap. 11.* Sess. XXII. quod ipso facto excommunicat usurpatores bonorum Ecclesia, sive ipsis invaserint, sive alios invasores immiserint.

Cap. 4. Jubet observari Decretum Tridentinum circa Decimas, & vult ut Parochi & Predicatores illud idiomatico vulgari, ceteris diebus legant, atque exponant.

Initio *Cap. 6.* Præcipit executionem Concilii Tridentini decernentis, ut si quis duo Beneficia incompatibilia possidens, unum ex iis non dimittat intrâ sex mensis, utrumque ipso facto amittat; & *num. 9.* decernit, ut circa Beneficia Curata observentur omnia Statuta Tridentina circa Examen, Approbationem, Collationem & Provisionem Parochorum.

Cap. 7. Exorditur præcipiendo executionem, Statutorum Tridentini circa Episcoporum Residentiam. *Num. 2.* vult, ut fructus, quos Parochi amittunt, violando Decretum Tridentinum circa Residentiam, adhibeantur ad decorationem, vel reparationem Ecclesiarum ipsarum, vel ad alimenta pauperum loci. Denique *num. 4.* jubet, ut Episcopi exequantur penas à Concilio Tridentino latae in eos, qui residere negligunt tempore sibi præstituto.

Cap. 8. n. 13. Jubet, ut Episcopus Visitationem faciens Constitutiones Tridentinas circa ipsam observet; *num. 16.* vult, ut ex vigore autoritatis ab eodem Concilio ipsi attributa, quatenus Delegatus Sedis Apostolicae, faciat quocumque non poterit, prout Ordinarius.

Eadem Synodus, agendo de jure Patronatus, præcipit Episcopis: *1.* Ut ex vigore Decretorum Tridentinorum rescindant Uniones Beneficiorum liberorum, cum Beneficiis juri Patronatus obnoxii, si effectum non habuerint. *2.* Ut ex ejusmodi Concilii autoritate jure Patronatus privatos declarant omnes Patronos, qui Ecclesiarum sibi subjectarum bona usurpaverint, vel impediunt, quominus justi possessores iis fruantur, atque illos invasores excommunicent donec integrum restitutionem fecerint.

Cap. 11. Incipit jubendo observari Decreta Tridentina circa Libros prohibitos; & *Num. 2.* vult, ut pariter observentur regulæ Indicis ex Tridentini præceptofacti.

Cap. 16. Synodus, colligendo ea, quæ pertinent ad Clericos & Regulares Exemptos, præcipit executionem quatuor Decretorum Tridentini. Nam, cum eo præci-

pit. *1.* Ut Clerici & Regulares, etiam exempti, servent Censuras ab Episcopo latae. *2.* Ut celebrent Fœlicitates ab eodem Episcopo institutas; *3.* Ut Supplicationibus assident, nisi strictam Claustram profiteantur. *4.* Ut Abbas benedictus, & Presbyter non conferat Tonsuram & quatuor Ordines Minores, nisi Regularibus sibi subditis.

CAPUT X.

Concilium Narbonense 1609.

Quamvis numerus Decretorum, quæ Concilium Narbonense ex Tridentino non laudato fūspit, longè major sit, quam Decretorum, circè quæ illud laudatur; hæc tamen non ita pauca sunt, quin ostendant, Narbonensi propositam fuisse, partim executionem Decretorum Tridentini; ideoque omissis Decretis prioris generis, alia notabimus.

Duo existunt in *Cap. 4.* Primum respicit eos, qui prædican hæreses. Synodus Narbonensis vult, ut Episcopus contra eos juxta Decreta Tridentina procedat. Aliud respicit institutionem Cathedrarum Theologalium, & vult, ut ex juxta dispositionem Tridentini conserventur in Ecclesiis Cathedralibus ubi jam institutæ sunt, & instituantur ubi non erant, utque Theologus singulis Dominicis concionetur, duaque Lectiones Casuum Conscientia hebdomadatim faciat.

Cap. 14. Loquendo de Baptismo, præcipit executionem Concilii Tridentini, circè numerum Patrinorum illiusque expressam mentionem facit.

Cap. 19. Agendo de Sacrificio Missæ, statuit, ut Episcopi uniant fundationes modicas, earumque onera diminuant, prout expedire duxerint; & laudat Concilium Tridentinum Sess. XXV. non indicato capite. Hoc forte est *4.* loquens de reductione Missarum. Agendo de Sacramento Ordinis *Cap. 21.* jubet, ut omnia Decreta Tridentini circa illius administrationem observentur.

Cap. 22. Dicit, cum primum Decretum Concilii Tridentini circa Matrimonium valde idoneum sit ad tollendos abusus, qui vigebant, se proposuisse, ut illud in totâ Provinciâ observaretur, ideoque jussisse, ut huic Capiti è verbo ad verbum infereretur. Tum relato Decreto circa Matrimonium vagantium, nec laudato Concilio adjicit, se recipere impedimenta Cognitionis, Affinitatis spiritualis, Affinitatis per copulam illicitam, Honestatis publicæ, prout à Concilio Tridentino decernuntur, seque eodem Gradus iis assignare ac Concilium.

§. 2. Cap. 27. Jubet omnia Decreta Tridentini circa Visitacionem Episcopalem observari. *Cap. 30.* jubet, ut juxta dispositionem Tridentini, Episcopus visitet Capitula Ecclesiarum five Secularium, five Regularium, non obstante quavis exemptione; & §. in Ecclesiis præcipit observari Decretum Tridentini circa Theologos Collateralium.

§. omnes Cap. 32. Statuit, ut Parochi non residen tes penas à Concilio Tridentino latus luant.

Cap. 33. Synodus loquens de Regularibus sancit executionem plurim Decretorum Tridentini, & nominatim laudat illud, quod fert, ut Episcopus coercere possit Regulares extra claustrum delinquentes, & illud, quod vult, Episcopos diligenter invigilare clausuræ Monialium.

§. per Judices, Cap. 42. Præcipit observari *cap. 1.* Sess. XIII. in Appellationibus Caſarum Criminalium, vultque, ut locum habeat, nisi appelletur ab incompetentiâ, Judicis vel ratione hujus incompetentiæ.

§. 2. Cap. 44. Cum Tridentino præcipit, ut solus Episcopus decernere possit Excommunicationem post Monitorii publicationem.

Denique, Archiepiscopus, qui hanc Synodum celebravit, (*Ludovicus de Vervins*) ob fūas infirmitates & occupationes excusat se, quod nondum executus fūisset Decretum Concilii Tridentini, jubens, ut Concilia Provincialia tertio quoque anno celebrentur.

CAPUT